

Kosmo (Negara) Isnin

V10/07 PG: 4

Nazirah buru kerusi UMP

KUANTAN - Seramai lapan calon bakal merebut lima kerusi umum yang dipertandingkan dalam pilihan raya kampus Universiti Malaysia Pahang (UMP) 2007/08, di Kampus Gambang, Kuantan Selasa ini.

Kelapan-lapan mereka ialah Ahmad Nabil Shari, 19, Mohd. Naser Sulaiman, 21, Muhammad Afiq Zali, 20, Muhamad Hazrul Hakim Abu Shaari, 20, Salman Razeni, 20, V. Saravanan, 21, Maryam Ismail, 20, dan Wan Nazirah Wan Mohamad, 20.

Baru-baru ini, wartawan **KOSMO!**, **WAN FAKHRUL WAN BAKAR** dan jurufoto, **RUSHDI SALLEH** sempat menemuramah Wan Nazirah, seorang daripada dua calon wanita yang akan bertanding kerusi umum di UMP.

KOSMO!: Boleh cerita sedikit latar belakang saudara?

WAN NAZIRAH: Saya berusia 20 tahun dan berasal dari Sungai Besi, Kuala Lumpur. Saya merupakan pelajar tahun dua dalam

jurusan Ijazah Sarjana Muda Sistem Komputer & Kejuruteraan Perisian.

K: Sebagai seorang daripada dua calon wanita, boleh ceritakan apa manifesto yang akan saudara ketengahkan?

W: Secara ringkasnya, saya ada dua perkara yang ingin diketengahkan iaitu pertama, berhubung masalah tempat riadah bagi pelajar siswi yang ketika ini agak kurang dan terhad bilangannya. Kedua, saya akan berusaha mencari penyelesaian atau kaedah baru bagi mengatasi

masalah sistem penyimpanan barang-barang pelajar ketika cuni semester supaya lebih efisien.

K: Adakah saudara yakin mampu menambat hati para pengundi dan bagaimana pula strategi yang diatur setakat ini?

W: Insya-Allah boleh. Setakat hari ini, saya masih mengambil sikap tunggu dan lihat. Tengoklah nanti bagaimana strategi yang akan saya gunakan.



NAZIRAH (kanan sekali) bersama calon-calon MPP UMP, beramah mesra dengan Naib Canselor UMP, Datuk Prof. Dr. Muhammad Said Mat Lela di Kuantan baru-baru ini.

K: Difahami semua calon-calon kali ini terdiri dari muka baru. Saudari sendiri, pernah terlibat dengan mana-mana program pelajar?

W: Sebenarnya saya merupakan salah seorang ahli sekretariat Majlis Perwakilan Pelajar (MPP) 2006/07. Jadi saya sudah banyak

terdedah dengan aktiviti pelajar. Untuk tahun 2007 ini, saya ditugaskan menjadi fasilitator bagi membimbing para pelajar yang menghadapi Ujian Pencapaian Sekolah Rendah di Sekolah Kebangsaan Kempadang, Kuantan dan SK Sri Kemunting, Bachok, Kelantan.



PILIHAN RAYA KAMPUS
2 Oktober 2007